

2 января, Праведный Иоанн Кронштадтский, пресвитер  
**ВЕЛИКАЯ ВЕЧЕРНЯ (СОКРАЩЕННАЯ)**

**Стихиры на «Господи, воззвах»**

*Канонарх:* Глас 1, Гóсподи, воззва́х к Тебе́, услы́ши мя.

Гóсподи, воззва́х к Тебе́, услы́ши мя./ Услы́ши мя, Гóсподи.

Гóсподи, воззва́х к Тебе́, услы́ши мя:/ вонми́ гласу моле́ния  
моего́, / внегда́ воззва́ти ми к Тебе́.// Услы́ши мя, Гóсподи.

Да испра́вится моли́тва моя́,/ я́ко кади́ло пред Тобо́ю,/ возде-  
я́ние рукú моёю/ – же́ртва вече́рняя.// Услы́ши мя, Гóсподи.

**Предпразднство Рождества Христова на 3**

*На 6, стих:* А́ще беззако́ния на́зриши, Гóсподи, Гóсподи, кто постои́т? /

Я́ко у Тебе́ очище́ние есть.

Предпра́зднуим, лю́дие, Христо́во Рожде́ство,/ и, возне́сше ум к  
Вифле́ему, вознесе́мся мы́слию,/ и усмотрим Де́ву душе́вными  
очесы́,/ идущую роди́ти в верте́пе всех Гóспода и Бо́га на́шего./  
Его́же Ио́сиф ви́дев чуде́с вели́чество,/ мня́ше челове́ка зре́ти,/  
я́ко младе́нца, пелена́ми повива́ема,/ поразумева́ше же от веще́й  
Бо́га бы́ти и́стиннаго,/ подаю́щаго душáм на́шим ве́лию  
ми́лость./ Ихже ра́ди нам да́руй очище́ние,// я́ко Челове́колю-  
бец.

*Стих:* Имене ра́ди Твоего́ потерпе́х Тя, Гóсподи, потерпе́ душá моя в сло́во  
Твое́ /

упова́ душá моя на Гóспода.

Предпра́зднуим, лю́дие, Христо́во Рожде́ство,/ и, ум возне́сше к  
Вифле́ему, вознесе́мся мы́слию,/ и у́зрим в верте́пе ве́лие  
та́инство:/ отве́рзися бо Еде́м/ от Де́вы Чи́стыя Бо́гу происхо-  
дя́щу,/ соверше́н Сый тойжде в Божестве́ и челове́честве./ Тём-

же воззовём:/ Святѣй Бóже – О́тче Безначáльный,/ Святѣй  
Крѣпкий – Сýне Воплотѣвыйся,/ Святѣй Безсмѣртный –  
Утѣшительный Дýше:// Трóице Святáя, сла́ва Тебѣ.

*На 4, стих:* От стра́жи ўтренния до но́щи, от стра́жи ўтренния, /

да упова́ет Изра́иль на Го́спода.

Слы́ши, Не́бо, и внуши́, землѣ:/ се бо Сын и Сло́во Бо́га и Отца́/  
прихо́дит родѣтися от Отрокови́цы Неискусомýжня/ благово-  
лѣнием родѣвшаго Егó безстра́стно/ и соде́йством Свята́го  
Дýха./ Вифле́еме, гото́вися, отве́рзи врата́, Еде́ме,/ я́ко Сый бы-  
ва́ет, е́же не бе,/ и Содѣтель все́я тва́ри назидáется,// пода́й  
мíру ве́лию мѣлость.

св. прав. Иоáнна Кронштадтскаго на 3, Глас 6.

*Стих:* Я́ко у Го́спода мѣлость, и мно́гое у Него́ избавлѣние,  
и То́й изба́вит Изра́иля от все́х беззакóний его́.

Единоро́днаго Сýна Бо́жия возлюби́л еси́,/ и Тому́ Еди́ному слу-  
жи́ти возжелѣ́л еси́,/ свя́те Иоáнне,/ Емýже вве́рился еси́, гла-  
го́ля:/ жи́знь моя́ во Христѣ́ есть./ Сего́ ра́ди потща́лся еси́/ вся  
ко благоугождѣ́нию Го́сподеви// и му́дрствовати, и де́яти.

*На 2, стих:* Хвали́те Го́спода всѣ́ язы́цы, /

похвали́те Егó всѣ́ лю́дие.

Моли́твенника те́плаго/ и благода́тнаго па́стыря ви́дим тя, о́тче  
Иоáнне,/ мно́зем бо лю́дем, к тебѣ́ притека́ющим,/ явля́еши в  
скóрбех утѣше́ние,/ в недýзах много́различных исцелѣ́ние,/ в ну́-  
ждах сýщим и стра́ждущим/ прѣ́сное вспомо́жение// и до ны́не в  
чудоде́йствиих не оскуде́ваеши.

*Стих:* Я́ко утверди́ся мѣлость Егó на нас, /

и и́стина Госпо́дня пребывáет во ве́к.

Лѣствицею добродѣтелей шѣствуя,/ дѣлатель нелѣностный/ вертограда Господня явился еси, óтче Иоáнне,/ от úтра жизни даже до послѣдняго часа/ дóбре потрудился еси./ Тако и нас молитвенно укрепи// Гóсподеви работати.

**Слава , глас 6.**

Слáва Отцú, и Сыну, и Свято́му Дúху.

Селения святых наследовал еси,/ óтче Иоáнне праведне,/ во свѣте лица Бóжия/ зриши нýжды с вѣрою притекающих к тебѣ,/ коемýждо потребная яже ко спасению подавая./ Сего ради и мы,/ на пóмощь твою уповающе, молимся:/ моли Христа́ Бóга// спастися душáм нашим.

**И ныне, глас 8:**

И ны́не, и прýсно, и во вѣки веко́в. Ами́нь.

Восприми́, Вифле́еме, Бóжию митропо́лию,/ Свет бо незаходи́мый в тебѣ родиться прихóдит./ А́нгели, удивите́ся на Небеси́,/ челове́цы, просла́вите на земли́,/ волсви́, от Перси́ды пресла́вный дар принесите,/ па́стырие, свиряюще, трисвято́е пѣние сла́дце воспойте:// всякое дыха́ние да хва́лит Вседѣтеля.

### **Стихиры на стиховне**

**Предпразднство Рождества Христова на 3**

**Канонарх:** Глас 2, Се, время приближися спасения нашего, готовися, вертепе:

Се, время приближися спасения нашего, готовися, вертепе:/ Дѣва приближается, еже родити./ Вифле́еме, землѣ Иúдова,/ красуйся и весели́ся,/ я́ко из тебѣ возсия́ Господь наш./ Услышите, горы, и холми,/ и окрестныя страны́ Иудейския,/ я́ко грядёт

Христос,/ да спасёт, егѡже создá, челове́ка,// я́ко Человеколю́бец.

**Стих:** Бог от ю́га приидет/ и Святы́й из горы́ приосенённые ча́щи.

Вифле́еме, землѣ Иүдова,/ е́же по плѡти жительство,/ свѣтло уго́тови Божѣственный верте́п,/ в нёмже Бог плѡтию ражда́ется/ от Неискусомужныя Святы́я Дѣвы,// во е́же спасти́ род наш.

**Стих:** Го́споди, услы́шах слух Твой и убоя́хся,/ Го́споди, разуме́х дела́ Твоя́ и ужасо́хся.

Приидите́ вси, Христо́во Рожде́ство вѣрно предпра́зднуим/ и, мýсленне пѣние, я́ко звездý, предлага́юще,/ волхво́в славослѡвья с па́стырьми возопи́м:/ при́иде Спасе́ние челове́ком из дѣвственных ложесн,// вѣрныя воззыва́я.

**Слава, глас 8:**

Сла́ва Отцý, и Сы́ну, и Свято́му Ду́ху

Еди́ному Бо́гу любѡвию прилепля́ясь, свя́те Иоáнне,/ прѣсно попече́ние о стра́ждущих и отве́рженных имѣя,/ ско́рый помо́щник тем яви́лся еси́,/ сего́ ра́ди си́ла благода́ти Бо́жия/ содева́ет тобо́ю ве́лия чудеса́,// обраща́я неверных к ве́ре во Христа́ и к жи́зни во сла́ву Бо́жию.

**И ныне, глас 1:**

и ны́не, и прѣсно, и во ве́ки веко́в. Ами́нь.

Предпра́зднуим, лю́дие, Христо́во Рожде́ство,/ и, возне́сше ум к Вифле́ему,/ вознесе́мся мýслию,/ и усмо́трим Дѣву душе́вными очесы́,/ идúщую роди́ти в верте́пе всех Го́спода и Бо́га на́шего,/ Егѡже Ио́сиф ви́дев чудес ве́личество,/ мня́ше челове́ка зрёти,/ я́ко младе́нца, пелена́ми повива́ема,/ поразумева́ше же от веще́й

**2 января, Праведный Иоáнн Кронштадтский, пресвитер**

**Бо́га бы́ти и́стиннаго,// пода́ющего ду́шам на́шим ве́лию ми́лость.**

**Тропари**

**Тропарь св. прав. Иоáнна Кронштадтскаго, глас 1:**

**Правосла́вныя ве́ры побóрнице,/ земли́ Росси́йския печа́льниче,/ па́стырем пра́вило и о́бразе ве́рным,/ покая́ния и жи́зни во Христé пропове́днице,/ Божéственных Та́ин благоговéйный служите́лю/ и дерзнове́нный о лю́дех моли́твенниче,/ о́тче пра́ведный Иоáнне,/ целите́лю и предивный чудотво́рче,/ гра́ду Кроншта́дту похвало́/ и Це́ркве на́шея украше́ние,/ моли́ всеблага́го Бо́га// умири́ти мир и спасти́ ду́ши на́ша.**

**Сла́ва Отцу́, и Сы́ну, и Свято́му Ду́ху, и ны́не, и прísно, и во ве́ки веко́в. Ами́нь.**

**Тропа́рь предпра́зднства Рожде́ства Христо́ва, глас 4:**

**Гото́вися, Вифле́еме,/ отве́рзися всем, Еде́ме,/ красу́йся, Евфра́фо,/ я́ко дре́во живота́ в верте́пе процветé от Де́вы:/ рай бо О́ноя чре́во яви́ся мы́сленный,/ в нёмже Божéственный сад,/ от него́же я́дше, жи́ви бу́дем,/ не я́коже Ада́м у́мрем.// Христóс ражда́ется прéжде па́дший возста́вити о́браз.**